

春秋戰國史

研究文獻叢刊

5

(全十六冊)

賈貴榮 宋志英 輯

國家圖書館出版社

研究文獻叢刊

— 5 —

賈貴榮 宋志英、輯

國家圖書館出版社

春秋戰國史

(清)林春溥 撰

戰國紀年六卷地輿一卷年表一卷

清嘉慶咸豐間侯官林春溥刻《竹柏山房十五種》本

衛光戊戌

戰國紀南

柏山房琴

第五冊目錄

戰國紀年六卷地輿一卷年表一卷 (清) 林春溥撰


序		一
地輿		五
卷一		三三
卷二		一一五
卷三		二一九
卷四		三〇七
卷五		三九五
卷六		四八五
年表		五三一

戰國紀年序

余蓋讀史至周秦之際未嘗不廢書而歎也曰世道升降之大機由於此矣王澤一竭而不復道統一絕而無傳自封建井田學校諸大政以及民間禮俗一切委曲繁重範圍維繫之意二百餘年而決裂殆盡後有作者雖聖君賢相慨然欲復三代之治而卒不可得論者徒罪商鞅之變法始皇之焚書而不知其壞之非一人積之非一日北宮之問班爵畢戰之問井地魯滕之莫行三年喪非其廢之久歟魏中山初築長城趙武靈始教騎射豈獨秦之蔑古耶是故紀人事明王道莫大乎春秋考世變窮末流莫甚於戰國春秋之有經傳至矣戰國時方多故而諸侯史記滅於秦火史公掇拾秦記於煨燼之餘僅存什一於千百


日月不備傳聞異辭紀傳世家紛紜繁複且其軼時時見於他說而網羅不及者蓋亦有之矣閒嘗讀而竊病之於是本涑水通鑑紫陽綱目之舊增而輯之旁徵博引各以類從至於百家之雜記一字之同異靡不並存以備考證或因文以徵事或比事以知人蓋成周一代之局於是乎終而所以考世變窮末流者將必於是乎在嗟乎戰國之君如魏文武齊威宣秦獻孝燕昭趙武靈類皆有過人之才而前有子夏子思後有孟子子順向使大用其一皆足以興道致治則庶乎與三代比隆矣顧乃一壞於刑名法術之論再壞於縱橫捭闔之流世卿變而爲說士屢盟變而爲割地甚者兵爭不勝轉而行間自夏商之季陵夷衰微未有世變若斯之亟也王澤之不復良由道統之失傳


孟子曰誦其詩讀其書不知其人可乎是以論其世也是則此編之意也夫嘉慶十九年甲戌秋八月一日閩中林春溥序



戰國地輿

戰國之大患在秦而大勢在韓魏故言從橫者必由之如蘇秦之說肅侯陳軫之合三晉信陵之諫安釐皆指畫形勢切中事情蘇穎濱六國論實祖諸此至若張儀破從徒以虛辭恐喝諸侯不足道也惜乎時君徂目前而無遠慮如連雞不能共栖而秦因得行其遠交近攻之計孟子謂地利不如人和信矣茲據其可知者爲圖附以地志使覽者得以考其疆域察其風土且以知列國興廢之所由亦以爲是書之緣起云





周地柳七星張之分野也今之河南雒陽穀成平陰偃師鞏緱氏是其分也昔周公營雒邑曰爲在於土中諸侯蕃屏四方故立京師至幽王淫褒姒曰滅宗周子平王東居雒邑其後五伯更帥諸侯以尊周室故周於三代最爲長久八百餘年至於王赧乃爲秦所兼初雒邑與宗周通封畿東西長而南北短短長相覆爲千里至襄王曰河內賜晉文公又爲諸侯所侵故其分陞古地字小周人之失巧僞趨利貴財賤義高富下貧憲爲商賈不好仕宦自柳三度至張十二度謂之鶉火之次周之分也

秦地東井輿鬼之分壑也其界自弘農故關曰西京兆扶風馮翊北地上郡西河安定天水隴西南有巴蜀廣漢犍爲武都西有金城武威張掖酒泉敦煌又西南有牂柯越

嵩益州皆宜屬焉秦之先曰柏益

伯翳一號

出自帝顓頊堯時

助禹治水爲舜朕虞養育草木鳥獸賜姓嬴氏歷夏殷爲諸侯至周有造父善馭習馬得驂騑綠耳之乘幸於穆王封於趙城故更爲趙氏後有非子爲周孝王養馬汧渭之間迺封爲附庸邑之於秦今隴西秦亭秦谷是也至元孫是爲莊公破西戎有其地子襄公時幽王爲犬戎所敗平王東遷雒邑襄公將兵救周有功賜受亦岐鄭字鄭之地列爲諸侯後八世穆公稱伯曰河爲竟十餘世孝公用商君制轅田開仟伯東雄諸侯子惠公初稱王得上郡西河孫昭王開巴蜀滅周取九鼎昭王曾孫政并六國稱皇帝故秦地於禹貢時跨雍梁二州詩風兼秦幽兩國昔后稷封籛籛讀曰公劉處豳大王徙邽文王作鄠武王治鎬其民有

先王遺風好稼穡務本業故幽詩言農桑衣食之本甚備
有鄆杜竹林南山檀栢號稱陸海爲九州膏腴始皇之初
鄭國穿渠引涇水溉田沃野千里民曰富饒天水隴西山
多林木民以板爲室屋及安定北地上郡西河皆迫近戎
狄脩習戰備高上氣力曰射獵爲先故秦詩曰在其板屋
又曰王于興師修我甲兵與子偕行及車轡四載小戎之
篇皆言車馬田狩之事故此數郡民俗質木不恥寇盜自
武威曰西習俗頗殊地廣民稀水中古草字宜畜牧古涼州
之畜爲天下饒巴蜀廣漢本南夷秦并曰爲郡土地肥美
有江水沃野山林竹木疏食果實之饒南賈滇僂僮西近
邛笮馬旄牛民食稻魚亡凶年憂俗不愁苦而輕易淫佚
柔弱褊阨武都地雜氏羌及犍爲牂柯越嶲皆西南外夷

民俗略與巴蜀同而武都近天水俗頗似焉故秦地天下
三分之一而人衆不過什三然量其富居什六吳札觀樂
爲之歌秦曰此之謂夏聲夫能夏則大大之至也其周舊
乎自井十度至柳三度謂之鶉首之次秦之分也

魏地觜觿參之分野也其界自高陵已東盡河東河內南
有陳畱及汝南之召陵灝疆新汲西華長平潁川之舞陽
鄆許僞陵河南之開封中牟陽武酸棗卷皆魏分也河內
本殷之舊都周既滅殷分其畿內爲三國詩風邶庸衛國
是也

自紂城而北謂之邶
南謂之庸東謂之衛

邶以封紂子武庚庸管叔尹之

衛蔡叔尹之已監殷民謂之三監武王崩三監畔周公誅
之盡已其地封弟康叔號曰孟侯已夾輔周室遷邶庸之
民於維維邑故邶庸衛三國之詩相與同風邶詩曰在浚之

下庸曰在浚之郊邶又曰亦流于淇河水洋洋庸曰送我
淇上在彼中河衛曰瞻彼淇奧河水洋洋故吳公子札聘
魯觀周樂聞邶庸衛之歌曰美哉淵乎吾聞康叔之德如
是是其衛風乎至十六世懿公亡道爲狄所滅齊桓公帥
諸侯伐狄而更封衛於河南曹楚亡是爲文公而河內殷
虛更屬於晉康叔之風旣歇而紂之化猶存故俗剛彊多
豪桀侵奪薄恩禮好生分河東土地平易有鹽鐵之饒本
唐堯所居詩風唐魏之國也周武王子唐叔在母未生武
王夢帝謂己曰余名而子曰虞將與之唐屬之參及生名
之曰虞至成王滅唐而封叔虞唐有晉水及叔虞子燮爲
晉侯云故參爲晉星其民有先王遺教君子深思小人儉
陋故唐詩蟋蟀山樞葛生之篇曰今我不樂日月其邁宛